



新編博物策會卷之七

河南省上



屏石戴璟著

開封府人物

呂溫成臯之銘曰鎖天中區控地四鄙李清臣汴都之
記曰岡阜繚轉龍蟠虎伏鄙生謂之天下要衝李勉謂
之水陸都會乃域界交豫星分角亢者也故在周為鄭
衛陳三國之境而魏謂之大梁秦謂之三川漢謂之陳
留宋謂之汴京也以其形勝言之芒碭渙渦截其面金
堤玉渠累其脊雷夏灘沮繞其腸星丘些言婁夾其腴生
是地者稟中和之氣蘊忠厚之質而卓異不群之士有
摩袂接愈出愈奇正猶麒麟遊藪鳳凰鳴岡而凡珍禽

異獸皆懋著禎祥以騰輝綉彩豈讓鄒魯之盛哉請具
陳之商有伊尹躬耕自樂然致君堯舜成湯學之觀伊
訓一篇辭嚴義正直真聖之任也周有李耳清淨無爲然
潛心禮度孔子師之觀道德一經言近指遠真人之龍
也穎考叔燭之武皆鄭人也之武說秦伯解鄭之圍固
有功矣而考叔之遺羨其孝子不匱乎洩治逢滑皆陳
人也逢滑說陳侯辭吳之召固有功矣而洩治之殺身
其忠臣不欺乎子皮國僑子太叔皆鄭國之大夫也子
皮以不貪爲宝而子產哭之曰吾無與爲善子產以不
猛爲政而孔子美之曰古之遺愛至於子太叔興兵攻
崔符之盜非猛也順時之宜也司馬耕顛孫師原憲皆
孔門之弟子也憲有狷者之守而力制乎私欲子張

有賢者之過而進德於晚年至於司馬耕脫身絕桓魋
之見非薄也避尤之汚也甯越勤學十三年而免苦耕
之勞蓋嘗爲威王師矣莊周著書十萬言而肆猖狂之
志蓋嘗爲蒙漆吏矣田基不從佛肸之畔趙簡子高其
行而欲官之列禦寇不脫黃老之學莊子重其人而數
稱之司城貞子陳之大夫也觀孔子以爲主可見其賢
公子無忌魏之信陵君也觀諸侯不加兵可知其善尉
繚五卷使世曉竒正之術侯嬴一策使趙解邯鄲之圍
至於朱亥鐵椎一揮而使晉鄙之權有所歸怒目一瞋
而使虎圈之獸不敢動亦可謂之勇士矣以秦言之韓
非雖有滅宗國之薄然說難五十篇其辭亦頗備也呂
不韋雖有進美姬之醜然春秋十餘萬言其言亦頗馴

也陳餘從陳勝起兵所以誅獨夫也其以天下爲心乎
不可以泯上之敗少之也張耳從漢高創業所以輔明
主也其以王業爲任乎不可以操戈之刻罪之也張良
運椎若無謀矣然爲韓報仇而千里決勝赤松之遊達
保身之計陳平受金若可疵矣然爲漢畫策而六出奇
計錢谷之對識大臣之體哭彭越者桑布也擊九江者
酈商也酈食其說齊王而韓信囊沙之計易以試灌嬰
擊諸呂而周勃左袒之功因以成張倉攻臧荼而且能
明律曆之理賈山諫鑄錢而且能言治亂之道晁錯受
書於伏生而上邊事四端雖老將不若是之練達也丁
寬受易於田何而作易說三萬言雖宿儒不若是之精
研也灌夫破吳軍以復父之仇志何壯也韓安國扞吳

兵以濟君之急謀何雄也推賢則有鄭當時且於水利
爲有功治郡則有若黃霸其於循吏誠無愧任安不背
衛青其於故舊之義篤矣韓延年不負李廣其於君臣
之義哲矣韓伯俞泣杖而傷毋力之衰不以終而間其
始李充黜妻以同兄弟之居不以踈而間其親廷臣稱
莽者衆而孫室獨非之以冠帶掛橋門如歲寒凜凜而
松柏不改節也廷臣附莽者多而彭宣獨絕之以骸骨
歸鄉里如猛火烈烈而真金不變色也以東漢言之虞
延令細陽遣囚歸家劉昆令江陵反風滅火至於格殺
公主之奴則有洛陽令董宣焉李膺刺青州守令解綬
陳翔刺揚州賊吏屏迹至於拒絕梁冀之徵則有冀州
刺史蔡衍焉夏恭以易學教授生徒千餘人樓望以春

秋教授生徒九十人夫望之明經講學誠亦難矣然恭
之著詩二十四篇謚宣明君尤爲超逸之才也邊韶以
五經教授生徒數百人蔡玄以五經教授生徒千餘人
夫玄之明道淑徒誠亦善矣然韶之著書十五篇號五
經笥尤爲該博之學也爲少傅者張興子弟萬餘爲之
受教易學其不孤矣爲廷尉者郭躬子弟千數爲之聽
講律學其有傳矣應順事母感瑞而十子皆才名非有
躬行之化不能也苟淑高行氣節而八子皆才名
非有義方之教不能也王霸以功封淮陽而討平蘇茂
善用兵矣祭遵以功封潁陽而格殺舍兒善持法矣堅
鐔傅俊侯霸皆效勞於真人開運之時其乾之見龍于
田乎鍾皓使乘陳留老父皆避迹於桓靈煽禍之日其

漸之鴻漸于達乎桓榮治歐陽尚書而當二老之任至
於子郁官至太常子焉官至太尉孫典官至御史皆能
繼先志而有爲也白虎之講驄馬之畏豈易得乎鄭興
治公羊春秋而校三統之曆至於子衆傳學於父孫安
世知名於時皆能承先訓而有用者也讖緯之非章句
之校豈易能乎丁鴻以爵讓其弟繆彤以義感其弟皆
薦昆仲之義然彤則尤爲得齊家之道也茅容事親以
孝仇香化民以孝皆明父子之親然香則尤爲著錫類
之功也陳寔爲太丘長有化盜賊之效然父子三人並
著高名而有三君之號焉賈彪嘗爲新息長有救黨人
之績然兄弟三人並播令譽而有三虎之號焉應奉諫
立貴人而子劭棄官作春秋斷獄理學傳於後世矣韓

韶賑貸飢民而子融累官至太僕政聲馳於當時矣揚
匡衛李固之屍而藥布之節可媿其美典肅陷呂布之
陣而樊噲之勇可襲其芳作說文者許慎五經無雙之
名燁然不磨立石碑者蔡邕三世議郎之官赫然可榮
服虔作左傳解而連珠十篇之文傳之人口荀爽通春
秋論語而荀氏八龍之譽著之鄉評虞詡守武都以絲
縫裾而擒其賊黨其將帥之畧有可尚者劉翊守陳留
以馬易棺而葬其貴人其忠厚之量為難及者夏馥不
交高蔡而守肥遁之操楊倫不附梁商而懷糾正之忠
穎容博學累徵不起不義之祿豈屑於朶順乎申屠蟠
博學累徵不就無妄之灾豈得而迫身乎薛漢之才長
於經而韓詩章句可為人式焉荀悅之才長於史而漢

史十卷可為世鑒焉范滂為萊蕪長高尚之節超然出
塵之狀符融不屑為都官吏括囊之志裕然考槃之風
呂強為侍中而論黃門徵寵之過何剛也爰延為侍中
而論黃門與政之亂何直也至於登孝廉之科冒宦官
之禍又非劉陶乎三國之時郭嘉去袁婦曹而屢著汗
馬之列鄭太去董歸袁而欲行天討之師徐庶本事昭
烈今乃舍之而歸曹所以念子母之情有不忍釋也荀
彧本事曹操今乃假之而死漢所以念君臣之義有不
忍忘也荀攸本荀彧子鄭渾本鄭太之弟然一則為
軍師一則為郡守治事之才超越時輩陳群本陳寔之
孫衛臻本衛茲之子然一則為中丞一則為司徒蒞政
之能超邁等夷袁渙以禮為梁王相則親藩有蓬麻之

益梁習以清為下邳令則黎民有衽席之懼趙儼為朗陵長恩威正著何夔為長廣守威信遠行毛玠典選吏弊頓消何清如之辛毘引裾君過是悛何剛如之鍾繇鍾毓父子也一好謀一機捷皆著績於干戈未靖之秋高柔高光父子也一剛介一學行咸垂芳於丕零多事之日應瑒為五官將而有博學譽於海內應瑒為侍中而有諷詩傳於世間以晉言之阮籍詠詩賦而有猶子咸彈琵琶以自樂七賢之列此其二也若夫咸之子曰瞻曰孚皆有時名而孚能平王敦之亂族子曰放曰裕皆有政聲而放能盡銓選之公若夫晞之守南頓有光於父放寧之守鄱陽有光於父裕阮氏之盛如此乎庾亮尚謙抑而有弟冰尚清素以自飭外戚之賢此其次也若夫庾彬從父討蘇峻死於干戈而不悔庾翼代兄鎮武昌濟於時艱而有為若夫曰義曰集或為內史曰蘇曰悅或為刺史庾氏之盛如此乎畢卓名為八達之流然放達甚矣殷浩名為清談之輩然膚淺甚矣庾峻能斷刑獄而弟純為世儒宗純子勇少有清節皆為仕而有德可齒也袁瓌著名江漢而弟耽少有才氣耽子質稱乎孝行皆為守而有善可名也江統著徙戎論而長子徽次子惇至於曰散曰恒曰夷如棟梁榱桷各得其用也謝安成淮肥功而其兄奕其弟萬至於曰瑤曰琰曰玄曰朗曰晦如錦綉琅玕各專其寶也袁喬本瓌之子然桓溫召之不來袁崧本喬之子然孫恩寇之即死此其節義何如也至於袁宏以瓌從孫而著東征等

也若夫庾彬從父討蘇峻死於干戈而不悔庾翼代兄鎮武昌濟於時艱而有為若夫曰義曰集或為內史曰蘇曰悅或為刺史庾氏之盛如此乎畢卓名為八達之流然放達甚矣殷浩名為清談之輩然膚淺甚矣庾峻能斷刑獄而弟純為世儒宗純子勇少有清節皆為仕而有德可齒也袁瓌著名江漢而弟耽少有才氣耽子質稱乎孝行皆為守而有善可名也江統著徙戎論而長子徽次子惇至於曰散曰恒曰夷如棟梁榱桷各得其用也謝安成淮肥功而其兄奕其弟萬至於曰瑤曰琰曰玄曰朗曰晦如錦綉琅玕各專其寶也袁喬本瓌之子然桓溫召之不來袁崧本喬之子然孫恩寇之即死此其節義何如也至於袁宏以瓌從孫而著東征等

賦則亦非凡夫矣應詹本嘯之孫然爲舍人有文行應
玄本詹之子然爲常侍有善迹此其德行何如也至於
應誕以詹次子而歷六郡太守則亦非庸夫矣荀勗達
律呂而子組夷處懷愍之難多所匡扶至於子邃弟豐
皆官至尚書有名焉豈徒濫青紫哉江蔚守吳興而父
迥就殷浩之辟多所正救至於子蕙繼績皆官至要地
有名焉豈徒徇富貴哉潘岳才名冠世有西征賦可傳
而子尼以著述爲事封安昌公宜矣謝鯤莅政清肅爲
豫章守有聲而子尚以辨悟絕倫爲散騎常侍宜矣鍾
雅褚翹皆處蘇峻之亂一死以成名一生以濟事皆得
其心蔡豹使闡皆爲郡守之官一有氣幹一有文學咸
播其譽荀崧破蘇峻錄尚書事而二子曰蕤曰羨並知

名焉毛寶破蘇峻守庐江郡而二子曰穆之曰安之並
知名焉阮种對賢良第一爲中書郎夙持剛介褚裒有
皮裏春秋爲鎮北將軍弘濟艱難蔡謨韓伯皆涉書記
然謨當國變搖杙之秋以靜重鎮之而不輕爲之動尤
難矣荀伯子王隱皆撰國史然隱當倖臣焦灼之日以
正大絕之而不妄與之交尤難矣南北朝之時謝景仁
仕宋爲大司馬矣而景仁之弟曰純純之子曰眺皆文
章清麗至於曰方明曰惠連曰靈運有不羈之才爲時
翹楚袁湛仕宋爲司空矣而湛之弟曰豹豹之子曰淑
皆學問該洽至於曰洵曰顓曰昂稍凡之學爲世山斗
著妙德傳者袁粲乃豹之曾孫也其子最以身衛父並
死於石頭之難一忠一孝可通神明至於仕齊爲侍中

而善屬文則有其弟彖也號登龍門者袁昂乃繁之從弟也其孫樞累官尚書能守清白之操一直一廉可質天地至於仕陳爲僕射而能繼志則有其弟憲也庾登之乃亮之曾孫以經濟自任而弟曰仲文從孫曰仲好有危言有危行焉蔡廓本謨之曾孫以剛直自持而少子曰興宗孫曰搏有謹操有清行焉殷景仁殷孝祖殷鈞殷不害皆長平人而非其族者也然景仁爲中書令有不校之量鈞爲臨川內史有不擾之治至於軍功拜將軍者孝祖而族子琰多識前事仕至少府焉若夫長於政事兼以儒術非殷不害乎江秉之江淹江悅之江湛皆考城人而非其宗者也然江悅之有將畧而曰文選曰子一曰子四皆有德可名江湛有孝行而曰敷曰

倩曰紕曰總皆有善可紀至於以風采爲中丞者淹而有父康之雅有才思仕至長沙令焉若夫三爲縣令兩爲郡守非江秉之乎鄭鮮之爲中丞而剛直無隱袁翻爲尚書而賢達是推鄭義表薦士類時論多之而子道昭累官祕書孫述祖累官少保皆可登名臣之錄者也蔡景歷家貧好學時論羨之而子徵有聰敏之資有愛敬之行亦可以入孝子之傳也阮孝緒范岫皆孝行裕如而有禮論雜義者岫也江革荀朗皆文畧不凡而以詩酒自娛者革也鄭紹叔招流民梁之循縣令也鄭道邕增戶口魏之良刺史也以隋言之鄭譯著聲調八篇可謂達音樂矣劉祐著玄象要記可謂明天文矣唐之時盛彥師斬李密郭孝恪平王世充劉昌征安祿山趙犍

破黃巢立功不同而皆有將帥之畧也格輔元諫武后
王求禮諫蘇味道李日知抗胡元禮肅弘景劾劉士涇
處事不同而皆有剛正之氣也麥師德爲豐州都督而
薦狄仁傑公則公矣若夫唾面之事寬容博大宜武后
弗能害也魏元忠爲御史中丞而抗張昌宗劾則劾矣
若夫命將之䟽懇切詳盡宜二張弗能害也朱仁軌隱
居養親嘗曰終身讓路不枉百步終身讓畔不失一段
故夫孝友先生之謚人以爲稱賞也鄭惟忠制舉
赴召嘗曰外揚君之美內正君之惡至於西戶畜兵之
諫人以爲美談也善治獄者則有若鄭善果之寬而得
於母之教誨善面畫者則有若鄭虔之絕而得於上之
贊勸袁師負土成墳而母病之日十旬不解帶鄭潛曜
刺血丐神而母病之日三月不齷面崔知溫爲司馬有
善政而兄曰知悌子曰泰之謂之皆居顯要之地鄭珣
瑜爲平章性嚴重而子曰單曰朗孫曰衣尚綽皆帶宰
相之銜劉仁軌畫地畫空卒以通博聞而擢學士者其
孫瑒也王沛揭法示軍卒以軍政治而討劉稹者其子
逢也殷踐猷稱五經總龜而子寅爲校書孫亮爲刺史
政事亦煥然一新鄭肅挺大臣志節而子洎爲刺史孫
仁表爲起居行事亦井然四達鄭綱爲平章守道寡慾
父作之也鄭餘慶爲平章賑親濟急子述之也鄭澣敢
言無避而爲補闕無愧鄭虔誨文辭秀拔而爲節度使
有聲此皆餘慶之子孫也鄭從謹自擇叅佐極一時之
選鄭延昌雅有文行居戶部之任此皆餘慶之族胤也

吳兢脩國史凜凜乎秉筆之公比之董狐亦其庶也吳道玄善書法翩翩乎爲面之妙名之畫聖不爲過也孔璋不忍善人之坑陷故有李邕之救以布衣而如此乃奇才矣常思謙深惡奸邪之舞弄故有來俊臣之劾以御史而如此真稱職矣朱忠亮達邊務之宜而築潘原城曹華見吾道之重而立孔子廟殷侑諫文宗請用者德不謂之達國體乎朱敬則官鳳閣每拔士類不謂之得相體乎陳夷行爲僕射介特不群如行千里之驥也鄭繁爲平章勇退不恋如翔千仞之鳳也五代之時高頓有清節力學強記而二子皆登進士蓋家教有以成之也符彥卿有謀畧謙恭下士而兩女皆作皇后蓋積善有以召之也至於勸和疑接賓客非張誼而何迨至

于宋石守信宿衛忠貞而子曰保興曰保吉皆官外郡者也楚昭輔陳橋推戴而孫曰隨曰咸皆登科第者也寬簡不苛察薛居正之爲司空也涉獵書史非其子惟吉耶言行無矯飾李穆之爲學士也不樂仕進非其子惟簡耶沈倫伐蜀圖書惟數卷何節之介也孫承肄業群試第一人何才之雄也著歷代紀要者劉熙古而著續因話錄者梁周翰也豈可以熙古三國之臣而棄之哉著指玄者陳搏而著春秋世論者江休復也豈可以搏方外之士而輕之哉崔頤正講尚書王昭素講易皆罄中赤於經筵王洙傳易許翰傳春秋皆發精蘊於典籍試策殿廷名爲狀元則有若宋準姚曄張師德宋庠王拱辰王堯臣時彥也若以其行事論之宋庠校國

語義師德獻大禮頌宋準工於制誥時彥明於刑獄至
於拱辰堯臣善論邊務皆不愧叫閭闔呈琅玕者也從
征寇盜名爲賢將則有若尹繼倫上官正許均王顯白
守素王德用也若以其功業論之上官伐西蜀許均征
遼州守素團練合州德用鄧度崇信至於繼倫王顯大
破契丹皆不愧任干城作藩翰也劉廷翰焦繼勳皆以
軍功顯於郊壘且有贊元贊明及守鄧爲之子一秉州
麾兩持帥閫焉劉蒙叟盧斌皆以戰功著於邊陲且有
宗弼宗誨及文盾爲之子兩登虎榜一被豸衣焉和峴
均鄧樂音能窺律呂之奧而弟曰嶠曰崑皆業一官而
持一譽者也張耆諫止營繕最體閭閻之瘼而子曰希
曰利皆官一郡而顯一能者也李惟清諫取幽州以爲

根本之計而有求錫求德爲之子至於袁逢吉樂崇吉
皆身爲明臣而各有二子登顯仕焉如龍駒各肖所生
也韓綜言折北朝以正契丹之號而有韓維韓縝爲之
弟至於李允劉平皆身爲名臣而各有一弟作碩輔焉
如麟趾各似所出也善論邊務洞識敵情則有若田况
十四事宋祁七事也服勤諫諍夙著忠貞則有若崔立
四十奏趙槩百二十諫也戚同文號堅素先生幼冲能
誦五經生徒不遠千里許驥爲之師者即此人也萬適
號遣玄子狂簡集有百卷雍熙詩有二百首韓丕爲之
薦者即此人也楊璞歸耕之賦如游百花吐秀之中不
自覺其清爽也楊朴蓑衣之詩如規百獸舞象之間不
自覺其軒豁也張去華獻元元論大旨以養民爲務而

有三子皆顯蓋教之有素耳王繼英迂樞密使以小心
爲務而有四子皆顯蓋訓之有方耳戴興伐李繼遷千
里深入周密王拔劉緒一劔奮前至於郭遵入陣中鉄
杵破人之腦馬懷德入兵間流矢及已之骨此乃赴赴
乎勇敢之將也馬遂伐王則攢刃而終孫節伐智高中
鎗而沒至於王珪都監涇原死於鉄鞭奮擊之日任福
總管環慶死於流矢決戰之時此皆泚泚乎忠義之將
也宗翼學事得法有古人風而脩實錄者其子度也許
驥爲人雅量有長者風而爲殿中丞者其子宗壽馳贊
以愚直見上而辨曹彬之誣其志不小矣張方平以穎
悟絕倫而引蘇軾之進其學有得矣向敏中居大任三
十年識達大體而稱爲良相矣至於侍從十五年未嘗
及私則有學士于度也曹崑在兵間二十年撫循士卒
而稱爲良將矣至於爲吏六十年未嘗少懈則有學士
李南公也劉師道敏於吏事案無留牘石延年精於邊
計言皆符驗崔侔著帝王手鑑而著五經疏義者孔
維也掌禹錫著地理新書而著開皇紀唐史記者鄭尚
孫甫也李及知杭州治尚清簡段少連知涇州治尚通
敏蔡杭知渭州治尚武備凡此皆知州之良者也黃寔
在寶文閣性尚孝友盛陶在龍圖閣性尚剛介劉隨在
天章閣性尚清直凡此皆學士之良者也楊燧之於劉
順可謂以德報德也羅拯之於皮公弼可謂以直報怨
也鄭雍爲中丞坐元祐之黨魚周詢爲中丞多建白之
功然則以是人爲御史真不忝鷹鷂之譽矣宋守約使

契丹不易吉服郭禎使契丹能射走兔然則以是人爲
行人不愧皇華之任矣李師中論王安石而言果爲之
行知人何哲也張近鞠呂惠卿而法不爲之縱去邪何
勇也安壽嫉章惇之妄而紹述之非爲之深詆鄭居中
惡蔡京之奸而用兵之禍爲之切言路昌衡論專利之
害其策列於四條張逸辨誣人之寃其功歷於四郡竭
忠於徽欽之時則有若曹勛之持衣何灌之守城胡閔
休之刼囚營至於張克戩之八人死於賊張叔夜之三
人死於兵皆烈烈轟轟有補於名教也盡力於仁英之
時則有若范恪之引弓許懷德之善騎趙滋之治城至
於呂誨之三居言職何中立之十卷論思皆侃侃諤諤
有功於社稷也孫路披面論河湟之不可棄其識天下
之勢如此孫固苦口論西夏之不可伐其懷中國之慮
如此王希逸聚書萬卷而官至史館王欽臣藏書萬卷
而官至待制爲官五十年不以私怒加人楊仲元也有
集二十卷常有惠政於蜀李瑒也趙適之捕獠行兵之
奇也程迪之被劾處變之正也張忠論河決之災有撥
亂之術韓宗武論日食之異有格心之機呂由誠之死
於襲慶高貴之死於崖山忠臣之操也侯義之誠於造
墳姚仲孫之誠於養母孝子之行也以元言之田滋在
廉訪辨理寃獄楊敬直爲宣慰數立軍功孔全邵敬祖
皆有居墓之孝歸賜韓因皆有死賊之忠有官守而脩
其職者劉好禮謝讓也有言責而罄其心者韓元善張
禎也楊士弘著鑿池春草錄而配唐人之詩陳祖仁舉

進士第一而死至正之難陳思齊爲州同以清遷憲臺李仲和爲閫幕以功遷總管逮至我

朝榮國公張玉有靖內難之功而山河爲之重整汝南侯梅思祖有歸淮安之功而社稷爲之有賴尚書呂孔彰布政吳伯昂祭酒任昂皆以儒士而徵拜政事可觀者也副都張志侍郎張春叅政楊端皆以國子而超遷才能有餘者也釋褐太學有若干潛古朴然一以勤敏一以勤勞騰光采於蒞政之初從領鄉薦有若趙狂王彰然一以能幹一以才望布勲猷於在廷之日王鈍使安南固却遺金可謂之廉吏王觀知蘇州克承嘉詔可謂之賢守樊鎮馬守中皆居侍御而白簡冰霜足以懲奸軌解敏宋文皆居按察而赤心冰蘖足以勵貪淫天順以後人才如丘陵相積吾未暇采舉之也

懷慶府人物

考懷慶之名定於元而曰覃懷曰河內曰殷國則自禹貢以來立名之不一也論懷慶之界屬於冀而或畿內或三監或鄘鄭則自商周以來封域之不同也蓋其地東帶沁河西連沅水南據虎牢北倚太行山川延袤地勢平曠人生其間好性理崇禮義而人才有可言者矣請具陳之周有聶政受百金之餽爲嚴仲子報仇不可以刺客待之也漢有田里先生與四皓之列爲惠帝一來不可以隱士小之也然漢之人才又有可言者石奮之醇謹有萬石之號藥峯之朴忠無一衾之積蔡義說詩於昭帝張禹授論語於成帝皆以儒學顯也然禹之

引經不若義持身之正焉趙子習詩於韓氏張玄受春秋於顏氏皆以文學顯也然玄之解瞭不若趙子傳受之廣焉方丁傳之驕奢傳喜獨以謙退自持逮王莽之居攝蔡茂獨以隱逸自高衛颯在桂陽脩庠序之教二老遇野王猷桀紂之諫丁蘭雖有殺人之過然刻木之孝懇如也張範雖有事曹之失然恬靜之節澹如也三國之時司馬芝以直道應物而當時封爲關內侯司馬懿以詭道用兵而後世尊爲晉宣帝常林年七歲而敏捷之才聞於父識司馬朗年十二而經濟之術行於州郡晉之時文書盈案裁決如流苟晞也隨晉東遷忽求還山郭文也山濤啓事而進內憂之言後世照其識向秀清悟而作雀鼠之賦當時奇其文山簡溫雅可取向雄剛勁有爲南北朝之時司馬楚之爲將軍折節下上張蒲爲刺史扶弱抑強常爽薦志五經而有儒林先生之號司馬筠博明三禮而有尚書左丞之遷封瀨昌公者司馬子如也隱白鹿山者張子信也至於當官謹飭趙默之仕于魏也骨鯁自持張衡之仕于隋也唐之時王琚明天文王友貞善隸書而友貞之割股養親天下稱其孝穆寧中明經王智興立戰功而寧之斬使徇賊天下稱其忠甘露之變王晏宰調護爲有功蔣挺之辱張庭珪執奏爲有見作原道篇者韓愈爲文純正學者仰之如太山中拔萃者李商隱爲文奇古學者號爲西崑體講經著書裴休也直儒者之稱豈其易好學博覽盧仝也月蝕詩之意何其工五代之時段希堯欲斬擁

呼之人其意有在慮億歷為漢晉之官其清不移至於
向拱個儻負氣而兩子兩孫皆顯亦有自矣宋之時穆
衍有棄地之諫明國體也李伯宗有寬刑之奏憂民瘼
也史抗父子三人皆死於代州之難陳芳十四世皆習
其孝義之風傳察拒蔡京妻女為人端重而謚忠肅傳
伯成從朱熹學道為人純實而謚忠簡至於李曾伯以
言忤賈似道則其人亦可知矣元之時穎悟不凡接聖
學之正統則有若許衡忠厚不殺享巴人之生祠則有
若呂或蕭讓才德優贍而子弟七人皆顯何俊彥之彬
彬也閔本性情剛正而妻女四人皆死何節氣之挺挺
也馬景道隱居不出高士之稱也吳恭祖沉毅不躁仁者
之為也楊一與叔同居深於父子之情也馬英為兄造
墳篤於昆弟之義也逮至我

朝馮冕以儒士為藥城縣丞然卿相之擢有聲於生前
劉幹以舉人為長洲縣丞然衣冠之塋有光於死後天
順以後人才潮至不絕吾未暇采舉之也

新編博物策會卷之八

河南省下

彰德府人物

屏石戴璟著

愚嘗讀左思之賦曰旁極齊秦結湊冀道開宵殷衛跨
 躡燕趙山林幽映川澤回繚恒碣砥礪於青霄河汾浩
 澌而皓泚雄哉言乎可謂善狀是邦之形勝矣蓋其地
 西澤潞東大名南衛輝北洛磁乃河曹甲所居之地魏
 之東陽晉之鄴秦之上黨邯鄲也人生其間雖曰不越
 顏氏家訓之議然俗尚淳古人尚英雄而以人才鳴於
 世者蓋不啻鄧林之木芬芳燦爛者矣請具陳之漢之
 時蓋寬饒以直言遭大逆之誅身雖死而洪名遺於千

古魏桓以清節而却桓帝之徵身雖隱而高風聳於一時霍譖論梁冀之罪正人不容邪人之橫也杜喬為梁冀之害君子不入小人之群也至於郭巨有埋兒之孝有得金之應焉晉則有邵續妙解天文魏則有孔伯恭善治邊鎮申徽在周而廉勤陸彥師在齊而友弟以九歲之冲有二千言之誦又齊之陸爽也齊則有趙輔和明於占筮堯君素薦於忠貞道至于唐傅奕闢浮屠而金剛之試邪說為之屈戴胄執刑法而貞觀之初寬獄為之理李延壽撰太宗政典為紀為傳秉良史之筆鄧世隆作王世充書有文有理擅隱玄之名盧從原擢明經而為巡撫源乾曜第進士而迂諫議杜中立王同皎皆尚公主者也中立除吏姦同皎復中宗不謂之賢貴

戚哉馮元常崔玄亮皆為御史者也元常抑中宮玄亮採申錫不謂之賢近侍哉直秦府者杜正倫魏徵薦之令長安者邵說郭子儀辟之至於杜羔之鞠獄而得母至寺而得墓一念之孝百世之傳矣逮至于宋韓重贇平澤潞韓令坤也河陽皆效勞於開運之初蔡審廷征太原劉用從澶淵皆布力於多難之日有事征討先脩器械則有如魏丕而陳貫之喜言兵畧亦有志者也精通水利自議塞河則有如張君平而竇舜卿屢立戰功亦為有藝者也陳安石罷再問之弊而選法始復矣蘇宋罷契丹之樂而國統始尊矣輔立英宗不動聲色韓琦之相直賢相也然上而父兄則有國華之純直而曰琚曰瓌皆顯下而子則有忠彥之忠直而曰端彥曰純

彥曰粹彥曰嘉彥皆顯至於死建炎者其孫浩陳五事者曾孫肖胃韓氏之盛不將與竹帛同芳哉志畝恢復屢破強敵岳飛之將真賢將也且其長曰雲曰雷皆結髮從戎次曰霖曰震曰霆皆赤心在職雖一時死於秦檜之手而万世常思岳武穆之冤岳氏之盛不將與日月爭光哉以女爲光宗后者李道然鎮撫襄陽能稱其職可謂之不驕矣以女爲寧宗后者韓同卿然每懼滿盈不敢干政可謂之知止矣至於四百單騎當金人數十萬之師以父子戰死蒙朝廷觀察使之贈非姚吳其人乎以金言之則有胡礪田確王競韓玉諸人皆以文學垂譽而趙秉文之自少至老閉門讀書亦好學之士也觀其所著叢說可知矣以元言之則有胡祗通許熙載許有壬趙正倫諸人皆以文學著名而薛大猷蚤中甲科隱居教授亦篤志之人也觀其所著四書講說可知矣不特此耳蔡珪平南方郭昂討蠻酋安佑弱冠上書規模宏遠梁貞辭職養母孝意直純莊文昭徐昂一爲刑部尚書一爲禮部尚書皆當大任而綽綽有餘者也董搏霄董昂霄一以國公死節一以郡侯死節皆處患難而凜凜有守者也著格例百餘冊者高謙著類要六卷者梁琮高傳爲團練而謚康肅者邢溫也杜秉彝爲學士而謚文肅者韓從益也以我朝言之鄧資廉介而爲太師湯陰之封忠襄之致也藺從善疑重而爲學士經筵之講忠藎之發也在科則有高敏處事公正在道則有侯軌治務勤能天順以後人

才層出不絕吾未暇枚舉也

衛輝府人物

北爲邯南爲鄘東爲衛此是邦之疆界如此也周古衛魏朝歌晉汲郡此是邦之名號如此也蓋其地即商紂之所都而武王之所封也左孟門右太行峯麓奇峻地當衝要人生其間雖尚剛用力然人知好學彬彬有文以史觀之英雄豪傑之士脩於家用於國層層疊疊先後相望凡好懿德者孰不爲之仰止先休哉請具陳之周文王之時有太公望焉敬勝怠者士怠勝敬者滅一篇之約足以爲萬世之元龜也周成王之時有甯越焉他食吾不食他寢吾不寢十五年之勤所以爲一王之師傅也甯戚飯牛之歌其才足以經濟甯俞索饋之進其

愚難以躋拔公孫枝之薦家臣孔子以爲爲文之當公
子荆之善居室季札以爲爲君子之器比宮文子之論令
尹圉何知人之明也史魚之退彌子瑕何尸諫之直也
蘧伯玉有卷懷之節孔子爲之主焉卜商居文學之科
魏文侯爲之師焉羔柴泣血三年雖愚也古人之愚也
端木賜學聞一貫其達也君子之達也廉絜從遊孔門
雖所造未深而後世祀之享一邈之榮吳起精習兵法
南陽而政化大行趙咨守燉煌而清簡不變向長悟損
益之卦必其講貫之精也向栩存侃直之風必其涵養
之素也吳則有孫登犯而不校魏則有李彪剛而不畏
至於負土成墳徐孝肅也唐之時劉政會從起晉陽著

汗馬之績謝優作述聖賦闡諷諫之忠尚敵甫撰方域
篇而自知焚惑之犯班宏熟天下計而不憚晨昏之勤
劉崇望劉崇龜兄弟並以才能顯高郢高定父子並以
文學鳴甄濟郤祿山之召幾死而獲生崔寧論盧杞之
奸遇譖而遭辱至於論政治之良者關播也宋之時魏
仁溥征太原無愧官懿之謚韓琦使契丹善答打圍之
問魏咸熙之雅量於碎器見之高若訥之博學於文集
考之號慶湖遺老者賀鑄而慶湖之文足見推於時尚
公主駙馬者魏咸信而昭亮之文又足光乎父熙朝及
第壯志休官林舍之清高何如也筆札既工音律尤曉
張昭允之文雅何如也呂蕡有五子登科非積善者安
能有如是福祿哉杜常無后族驕逸非篤學者安能有
如是氣象哉至於陳顏請代父光之死播直孝子之名
馬元之時慕完持法平允而有魏郡之封張思明讀書
成誦而有三絕之號秋澗之集有聲於時王惲也京城
之亡自投于井王遜志也以我
朝言之揚鏞之脩身以慎張理之接人以和李炳優於
政事尚迪長於器識皆以太學生而擢左布政者也此
天順以前人物而其后未暇論也

河南府人物

前瞻太室後眺嵩丘潘岳懷舊之賦也南拒商虢北控
太河王挺閩鄉之記也蓋河南之地即武王定鼎於郊
鄩成王營洛爲王城者也其名在周曰周南秦曰三川而
河南之名創于漢也人生其間民性安舒而多衣冠舊

倍忠臣烈士壘見於紀載聞豈非士君子之所景仰乎
請具陳之伊尹爲商阿衡有任重之才而孟子稱之曰
先知覺後知先覺覺後覺申伯爲周母舅有柔惠之德
而仲山甫送之曰揉此万邦聞于四國仲山甫柔不如
剛不吐而舉如毛之德其詳見於蒸民之詩管仲內以
脩外以攘而革左衽之倍其事載於魯論之文蘇秦激
於妻嫂然合六國以擯秦其言有補賈誼雖讒於絳灌
然轍五餌以抗夷其志不小劇孟以俠顯而蒙周亞夫
之薦不忝其名蔡義以詩顯而代揚敞之相不浮于位
卜式有閔內侯之賜楊僕有戍南粵之勞請棄珠崖者
賈捐之也敢忤巨顯者周堪也郭賀爲荊州刺史有殊
政而三公之服賜以表彰寵參爲漢陽太守有異政而
三公之中名以忠直种暠敢紂秦而代山拂又爲之繼美杜
夔知音律而劉表欲爲之庭觀捕姦黨者則如杜密而
有齊李膺之名舉孝廉者則如尹勳而有誅梁冀之績
成瑨坐嘯而有振威嚴之治馬孟光博古而有不數赦
之諫焉趙達工於筭而九宮由之以成胡昭樂於隱而
一州賴之以靜郤正從帝禪之遷亦可以共難矣王濬
開司馬之運亦可謂尤勳矣至於郭象之著碑論十篇
董景道之明春秋三傳趙整之賦孟津一曲皆晉之人
也南北朝之時房謨奚康生韓雄元文遙皆仕於魏然
謨之廉惠康姓武勇雄之慷慨文遙王佐才有可言也
元暉韓裒于謹宇文慶長孫覽皆仕於周然暉之綿練
裒之深沉謹之老碩文慶敬句覽之器量有可言也隋

之時長孫熾以通道應選不愧覽之從也長孫晟以趨捷過人不愧季海之後也韓擒虎平陳自南道而有羅之名賀若弼平陳自北道而有寶刀之受元孝矩元巖元壽各以一長名而巖之廷諍面折尤爲難也趙軌元善張須陀各以一藝名而須陀之開倉賑飢尤不易也唐之時長孫無忌取突厥太宗有凌烟居首之報李君羨破竇建德太宗有虜何足憂之嘆常達張士貴皆從征有功而達之不屈於賊尤爲正氣趙弘智立行恭皆從征有功而弘智之哀慟其兄尤爲尽礼劉允濟王文翰與王勃而匹休上官儀工詩辭諫高宗而遇害十事要說者姚崇而開元賢相之號播之青汗召訪邊事者畢誠而禁中頗較之稱簡之帝心賈至擢明經第一而兩朝盛典多出於父子之纂脩張說策賢良第一而一朝制誥多成於燕許之述作張齊賢論礼合古而擢博士張廷珪應詔上疏而擢少監吉項勸二張卒成反正之計畢構刺四州甚篤居喪之孝張守珪敗瓜州之寇善於應變房瑄奉靈武之用順乎人情舉進士第一者賈餗舉制科第一者元稹元澹著孝經礪独孤及之讀孝經有立身行道之志尤爲幼冲之卓卓者也楊元琰居喪不食而梁文真之三十年喑默尤爲孝義之肫肫者也元結上時政三篇不負蘇元明之薦引盧仝作月蝕一詩尤來韓昌黎之稱述盧坦忤李吉甫之議而其於補外張鎰救盧縱之死而樂於貶秩蕭昕使回紇而能守其節劉迺拒朱泚而自投于床獨孤朗諫憲宗楊

虞卿諫穆宗何正直如之獨孤郁舉制科梁肅舉文辭
清麗科何博洽如之常應物號常蘇州而有集十卷侈
乎其宏富也曹確拜兵部侍郎而歷位年凜乎其方重也
元德秀令魯山而紫芝眉宇使人利心都盡楊憑官太
常而博學宏辭與弟凌疑相並五代之時高季興守江
陵一城之衆而善於招輯劉岳爲劉會八代之孫而敏
於文辭桑維翰之鑄硯其學問由人爲而卒擢甲榜王
處訥之石麪其聰悟由天巧而果善天文宋之時張鑄
劉温叟李漢瓊劉保勳雖皆仕於梁晉而能竭忠於開
寶之初且温叟之清介保勳之死節尤可稱也且崇義
宋偓崔頌李度雖皆仕於漢周而能效力於歸欵之後
且崇義之上三禮崔頌之論典礼尤可取也王審琦鎮
壽春以方畧之偉李琪事宣祖以材力之雄何繼筠備
邊二十年以少擊衆安德裕撰文四十卷以義起礼安
忠敗契丹而石熙載亦以直黜之外鎮郭忠恕善畫益
而石中立亦以文遷之翰林吕蒙正舉進士第一以雅
量光于史錢若水爲同州推官以决獄聞于朝温仲舒
才堪應務而有温寇之號范雍治尚忠恕而有忠猷之
謚康德輿濟人於河决之時康保裔守節於兵敗之日
魏野號草堂居士而上天辭富貴之詩非早有定見不
能作也李漬爲殿中御史而行到水窮處之詩非精有
所感不能致也种效以講授爲業而兄弟世衡之知青
澗可謂之能將若夫曰諤曰診號爲三種曰師道曰師
中號爲名將何种氏之多才也吕希哲以躬行爲學而

有子好問之濟中興可謂之才士若夫曰本中者童蒙
訓曰祖儉寓居婺州何呂氏之多賢也有富弼之忠良
則有富直柔為之孫而趙安仁之子趙尚寬及其孫君
錫尹源之弟尹洙及其孫尹焯皆奕葉重光者也就其
中論之富弼之相業尹焯之儒術得非古今之傑耶有
程顥之道學則有程頤為之弟而耿昭化王曙之子則
曰耿傳王益柔郭達朱景之子則曰郭忠孝朱光庭皆
箕裘克紹者也就其中評之顥可比於顏頤可方於孟
得非邾魯之繼耶兄弟有才猷者則若翟興翟進父子
有學行者則若張師德張景憲以言乎推官之良則若
田瑜長於吏事鄭驥善於愛民以言乎知州之良則若
揚日嚴善於撫下滕宗諒善於建學王隨謚文惠而陳
太素之官大理亦有仁心任布謚恭惠而楚建中之知
榮河亦有循政著聞見錄者邵伯溫也著簡齋集者非
陳與義乎作易粹言者郭雍也作九思齋者非王忠民
乎席旦知成都兩次甚有政理韓川任吏禮二部多所
更張張繹發憤力學而晚得二士之褒豈易得乎張玘
奮戰殺身而立祠戰所之詔豈易得乎宋炎張世雄皆
凜然匪躬者也呂行簡朱敦儒皆崛起有為者也元之
時秦長卿之劾阿合馬雖死而心何憾也上天璋之上
濟治策雖多而人不厭也劉健之復仇張恭之奉母不
謂之孝乎楊僕之割肉蔡子英之上書不謂之忠乎至
於袁裕程塾張惟敏皆有可觀者矣逮至我
朝獻忠於開國之初則有谷祿與權秦從龍也行孝於

居喪之日則有魏敏王中也居刑部有聲者曰華士瞻
開濟也居吏部有聲者曰趙瑁陳敬趙迪也范敏石璞
在戶部會計無不當宋禮趙翥在工部營繕無或差宋
賓范謙任佑劉瑾盧方常皆為布政稱其職也王敬先
武友諒范讓張文舉皆為叅政當其才也劉世英曹庭
訓皆以人才舉而世英尤不負揔領諸道之任姬敏曹
端皆以節操稱而端尤不負月川先生之號此皆天順
以前人物而其後不能盡舉也

南陽府人物

蘇秦之味南陽也曰成臯之固商阪之阻張衡之賦南
陽也曰滄浪為隍方城為墉蓋是郡北連中原東通吳
會西接巴蜀南控蠻越故諸葛亮以為用武之地而虞
允文以為形勝之國也以其沿革言之夏為大禹之國
周為申鄧之封而春秋屬之楚戰國屬之韓也光武起
兵春陵正其湯沐之邑人生其間得天地中和之氣敦
尚詩禮沾濡道學彬彬然有可觀者矣請具陳之周之
時百里奚去虞適秦有以成拓地救荆之功五段大夫
其號也范蠡事越滅吳有以全乘舟泛湖之智鴟夷子
其號也騶甥聃甥養甥逆料亡鄧言皆應驗其言見於
左傳長沮桀溺丈人專心避世志亦高尚其事見於魯
論以漢言之張釋之諫犯蹕直臣之氣也直不疑之償
亡金長者之量也杜延年勸霍光而廢昌邑之位李通
迎光武而舉春陵之兵高密侯鄧禹杖策來謁有延攬
英雄之策舞陽侯吳漢八戰八克有隱若敵國之才賈

復破銅馬有折衝千里之威矣陳俊破五校有如何
憂之嘆矣馮異破王郎杜茂鎮比邊任光屠邯鄲皆可
謂之能將然異之不伐有儒者氣象也鄧訓化羗胡任
隗諫顯宗賈琮鎮朔方皆可謂之賢子然訓之有為有
元勳家法也臧宮馬武咸有破群賊之功來歙岑彭俱
有死公孫之節朱祐尚儒學而拜建議將軍馬成平江
淮而迂中山太守銚期徇潁川功參諸將而鄧晨慰比
道主人之望其功亦不細也卓茂令密邑名冠天下而
趙熹來真長者之褒其志亦不苟也韓稜在南陽朱暉
在臨淮任延在九真皆可謂之賢太守也樊宏為舅父
劉隆為宗室陰識為妃兄皆可謂賢宗戚也郭伋有
潤九甲之獎王常有心如鐵石之誇韓歆為司徒而證
歲凶之直不可掩李善本蒼頭而保孤兒之節不可及
張宗乃偏裨耳赤眉一郤人服其勇樊曄乃市吏耳餽
餌一笥上嘉其績郭丹高車出關而壞車積學者馮良
也宋均令虎渡河而開倉賑飢者韓韶也來歷之絕周
廣有不惡遠小人之風鄧騭之薦楊震有惟仁能好人
之語注冊精於周易尹敏精於尚書謝該精於春秋至
於樊英張衡尤通五經焉高鳳隱於唐山宗慈隱於安
衆董班隱於宛邑至於延篤劉廙皆撰文十篇馬宗資
有主畫諾之號岑晳有南陽太守之號此其人亦可
知矣岑熙有狗吠不驚之歌張堪有麥穗兩岐之歌此
其德亦可知矣鄧彪之讓國毋弟有孤竹之風宜明帝
嘉之也朱穆之法行部郡有羔羊之節宜蔡邕謚之也

鄭衆雖曰出自閹宦之賤人然誅竇憲之功卓卓乎不可尚也左雉雖有限年四十之陋法然條時政之宜凜凜乎不可犯也何進誅宦官亦幾於鯁直文聘守江夏亦善於保釐三國之時韓暨之殺陳茂篤於復仇也陳震之使孫權工於結盟也呂乂持身儉約號爲清能宗預兩使江南號爲善對來敏善左氏春秋尤精爾雅許慈善鄭氏三禮尤精毛詩黃忠勇冠三軍而斬夏侯淵之功懋矣鄧艾少有大志而平西蜀之謀巧矣鄧芝趙咨皆使吳而不辱李嚴王連皆佐蜀而有聲晉之時張輔令藍田不屈豪強范畧守馮翊甚綏百姓鄒湛著詩論數十篇以才學自奮魯褒著錢神一論以貧素自立樂廣善談論衛瓘竒之曰人之水鏡也郭舒識大義郭景咸竒之曰後來之秀也朱序乘謝

石之戰唱言堅敗智有施矣韓延之拒劉裕之招名子曰翹志有在矣南北朝之時宗少文傳金石之法趙文深善碑榜六書之體趙隱掌機密而小心恭慎張敬兒官寧蠻而膽氣壯猛樂頤劉渢黔婁庾野皆有孝行可稱然頤之菜菹食客而有郭林宗之比焉范曄師覺庾季才岑善方皆有文章可傳然曄之著後漢書而有班固之比焉宗慤之志願乘長風破萬里浪觀棋竟陵之功可知矣庾杲效才如汎綠水依芙蓉觀其守清貧之操可知矣劉湛自比管葛孺酒之諫何其正范泰數上封事善言之撰何其功張耀勤於其事而謚曰懿庾詵篤於其學而謚曰貞張孝秀入匡山馮亮入嵩山皆肥遯不汗者也劉虬令當陽庾革承會稽皆循政可法者

也。更易辭百斛之麥，不負臨川王表之薦矣。宗慄成一夕之碑，不負小兒學士之號矣。樂藹舉動醞籍，而子法才法藏皆能善繼。胡僧佑大敗景將，而岑之敬宗越亦能有爲。曹景宗讀懷苴傳，懷憤歎試，蔡道恭也。洛口鎮招附如歸。唐之時，岑文本以位高爲憂，不營產業，可謂賢相矣。其孫羲令金壇，仲翔令長洲，仲林令溧水，皆有治績焉。朱葆光以父亡爲憂，每哭獄，廟可謂孝子矣。其子昂讀書至萬卷，士昂文集三十卷，皆有學行焉。孫處約爲齊王記室，而歆其改過則規之，屢韓思彥因大白昼見而歆其修德則勸之，勤孟詵致政給羊酒，終身何其榮歟。岑參能詩，與李杜齊名，何其妙歟。張巡死睢陽，而江河爲之保全。馬燧刺隴州，而藩鎮爲之帖服。撰中

興頌者元結也。獻聖誕樂者王虔休也。張建封諭蘇常之盜千人，即爲之革面。趙宗儒承翰林之命，一日並爲之進階。范傳正刺三州，名爲殊政。韓翊號兩韓，名爲才子。五代之時，張仁謙守邊有謀勇，而匈奴爲之遠卻。張澹好學有文藻，而桑維翰爲之稱重。以宋言之，王仁瞻征太原，寇瑊平溪蠻，周湛條時政十百事，雖忤夏竦而不辭。賈黯舉進士第一人，逮論濮王而有理。吳幾復鎮荆南，朝廷知其賢，牛皐敗楊么，岳飛賴其用。王襄之決訟獄爲之空，賜名曰襄宜矣。沈宣之守墓妻爲之化，賜以粟帛宜矣。逮至于元，李友端戈殺鄧順，皆有學士之士也。他如王明嗣、王儀、李木魯、神何，莫非以道義文章爲時儀表乎。劉整孫嗣、張寬西漢傑，皆有爲之吏也。他如

白景亮智受益李威何莫非以謀畫勲烈爲上倚仗者乎揚師文之親許衡王琦之友姚燧觀其所主可知其人矣蕭景鳳有蕭卿行陳介有墓碣李奉先有孝子林觀其所守可知其人矣劉子平禮度依古而有登上壽之福成遵敏捷出倫而有台輔器之褒以我

朝言之安德長於詩賦李希顏精於學庸王政則應對便捷鄭剛則資稟純實唐俊之廉介陳立之明決宋珏之廉慎李新之剛正王禮之勤能焦宏之矜恤趙安之明敏周炳之孝友皆有可紀者矣天順以後人物未暇論也

汝寧府人物

登天中之山而知是郡形勝雖小當天之心卽周公測

日之所也上八卦之臺而知是郡山川甚秀聚天之精即伏羲生著之地也蓋其水洄曲其地平舒襟帶長淮控扼潁蔡隱然巨屏端若長城人之生此地者重信義尚質文蓋文王化行之地而人才之出也無盡矣請具陳之周有曹卹在孔門而道義是樂秦冉在孔門而德藝有成漆雕開有吾斯之疑致孔子之說叔孫敖有陰德之積爲莊王之相黃歇雖奸而入壁遊關多養雞犬之客陳勝雖微而斬木揭竿果副鴻鵠之志漢之時吳公冠郡邑之治循吏也周燕代太守之災義士也桓寬著鹽鐵論數萬言當其理周防著雜記三十二篇核其實翟方進劾司隸朝廷憚之郭憲諫東征光武悔之邛惲德東門拒關不納且善處太子之變袁安客洛陽計

雪一 出且善處梁氏之變請歐陽歛之命者高獲蔽何
敵之矢者周嘉收李固之塋者郭亮皆可謂義士也解
經不窮者戴憑從丁恭受學者鍾興不讀非聖書者周
燮皆可謂之才子也蔡順薛包王琳皆篤於尋倫而周
磐之思毋棄官亦有然者蔡玄鄭敬周總皆其於隱遜
而戴良之避入江夏亦有然者張劭之交范式有具忝
之約真可謂死生交陳蕃之待徐穉有懸榻之高真可
謂大丈夫叔度汪汪千頃陂非黃憲乎平輿淵中有二
龍非許劭乎周與舉茂才數上言事而筆之御坐學有
用矣應邵定律令撰風俗通而傳之後世名大振矣袁
安袁闕以祖孫而苦身脩節且子秘與七人皆死袁紹
袁術以父子而乘亂起兵且自安四世皆顯三國之時

許靖善臧否人物胡綜善諸文誥策郭憲不以韓約邀
功曹操欲疏其名而又不之從則其志可知矣呂蒙以
伐黃祖有功孫權數聽其計而皆爲之用則其才可知
矣來敏以耆學士見嘉於昭烈費禕以老成長慮見
任於孔明晉之時和嶠有威名而庾顓稱之曰森森千
丈之松于寶撰搜神記而劉惔稱之曰卿乃鬼之董狐
周浚性果烈與王渾伐吳然子顓死王敦之難而曰恢
曰馥皆不忝後生稱誰之答也周訪性沉毅討華軼二
寇然子撫繼先人之烈而曰楚曰瓊皆不忝三世將軍
之名也孟嘉落帽之朝九日之樂如是其狂也畢卓浮
船之喻八達之風如是其放也朱序從母而成厥功李
充然妻而敦乃義南北朝之時周顓辭韻如流而有赤

米白鹽之樂董紹鎖送江東而有忠臣孝子之誇朱倫
之雖不死節而泛海束菜欲以贖其過也楊纂雖不識
字而推誠信吏亦以成其名也周炅仕陳而江北之平亦
爲有勞周法尚仕隋而方陣之法亦爲有見唐之時周
允元陳書傳於武后有耻君不及堯舜之言周墀議河
湟於文宗有以直言免之說刺潮州者劉仁安也定閩
地者王朝也梁之時王延嗣諫審知僭號追魚仲連之
風宋之時謝良佐著論語說得伊川之教王彬知潭州
剗煩去蠹宗家上蔡負米養親孫何舉進士第一而
孫丁齊名天下後世宗之孫僅舉進士第一而兄弟連
魁天下時人榮之祖無擇忤王安石之旨朱勝非處苗
劉之變元之時高興歎江南珍寶不敢隱君賜也龔友

福號淮南夫子其必振時譽也爲廉訪使者劉秉文也
爲集賢學士者范谷英也逮至我

朝何德徐理梁銘皆以武勇立功至有爲侯伯者馬趙
好德趙毅孟皆以儒士効用至有爲尚書者馬房安
亞工部而剛勁足以有爲王禮部而明果足以有
照給事於科則有若孫顯之聰敏也監察於道則有若
王平之清毅也天順以後人物輩出吾未暇歷數之也

大正

